



UNDANG-UNDANG MALAYSIA

VERSI ATAS TALIAN TEKS CETAKAN
SEMULA YANG KEMAS KINI

Akta 305

AKTA TABUNG PERTAHANAN NEGARA(PEMBUBARAN DAN PEMINDAHAN) 1984

Sebagaimana pada 1 Disember 2011

**AKTA TABUNG PERTAHANAN NEGARA (PEMBUBARAN
DAN PEMINDAHAN) 1984**

Tarikh Perkenan Diraja	27 Jun 1984
------------------------	-----	-----	-----	-------------

Tarikh Penyiaran dalam <i>Warta</i>	28 Jun 1984
-------------------------------------	-----	-----	-----	-------------

UNDANG-UNDANG MALAYSIA**Akta 305****AKTA TABUNG PERTAHANAN NEGARA
(PEMBUBARAN DAN PEMINDAHAN) 1984****SUSUNAN SEKSYEN**

Seksyen

1. Tajuk ringkas
2. Tafsiran
3. Pembubaran Tabung Pertahanan Negara dan pemindahan aset dan liabilitinya kepada Tabung Amanah Derma Kebajikan Perwira Negara

UNDANG-UNDANG MALAYSIA**Akta 305****AKTA TABUNG PERTAHANAN NEGARA (PEMBUBARAN
DAN PEMINDAHAN) 1984**

Suatu Akta bagi membubarkan Tabung Pertahanan Negara dan bagi memindahkan semua harta dan liabilitinya kepada Tabung Amanah Derma Kebajikan Perwira Negara, dan untuk mengadakan peruntukan bagi perkara yang bersampingan atau berkaitan dengannya.

[5 Oktober 1984, P.U. (B) 450/1984]

BAHAWASANYA pemegang amanah Tabung Pertahanan Negara telah membuat keputusan untuk membubarkan Tabung tersebut dan memindahkan semua harta dan liabilitinya kepada Tabung Amanah Derma Kebajikan Perwira Negara, harta tersebut hendaklah dipegang secara amanah dan digunakan mengikut syarat dan bagi maksud, sebagaimana yang pada masa itu, dinyatakan dalam surat cara Amanah berkenaan dengan Tabung Amanah Derma Kebajikan Perwira Negara;

DAN BAHAWASANYA Lembaga Pengurusan Tabung Amanah Derma Kebajikan Perwira Negara telah memutuskan untuk menerima pemindahan tersebut;

Oleh yang demikian, **MAKA INILAH DIPERBUAT UNDANG-UNDANG** oleh Seri Paduka Baginda Yang di-Pertuan Agong dengan nasihat dan persetujuan Dewan Negara dan Dewan Rakyat yang bersidang dalam Parlimen, dan dengan kuasa daripadanya, seperti berikut :

Tajuk ringkas

1. Akta ini bolehlah dinamakan Akta Tabung Pertahanan Negara (Pembubaran dan Pemindahan) 1984.

Tafsiran

2. Dalam Akta ini, melainkan jika konteksnya menghendaki makna yang lain —

“Tabung Amanah Derma Kebajikan Perwira Negara” ertinya tabung amanah yang dinamakan sedemikian yang disenggara dan diuruskan di bawah Surat Cara Amanah yang disempurnakan pada 31 Oktober 1968 antara Lembaga Pengurusan Tabung Amanah tersebut sebagai satu pihak dengan Pemegang Amanah Raya, Malaysia sebagai pihak yang satu lagi;

“Tabung Pertahanan Negara” ertinya Tabung yang disenggara melalui Akaun Amanah Tabung Pertahanan Negara yang diwujudkan di bawah seksyen 9 Akta Tatacara Kewangan 1957 [*Akta 61*].

Pembubaran Tabung Pertahanan Negara dan pemindahan aset dan liabilitinya kepada Tabung Amanah Derma Kebajikan Perwira Negara

3. (1) Tabung Pertahanan Negara hendaklah, pada mula kuat kuasanya Akta ini, dibubarkan dan semua wang, sekuriti dan aset-aset lain yang ada dalam akaun amanah yang disenggara berkenaan dengannya di bawah seksyen 9 Akta Tatacara Kewangan 1957, atau selainnya menjadi kepunyaan atau kena dibayar kepada Tabung itu, sebaik sebelum permulaan kuat kuasa Akta ini hendaklah, pada permulaan kuat kuasanya Akta ini dipindahkan kepada Tabung Amanah Derma Kebajikan Perwira Negara dan diletakkan kepada pemegang amanah Tabung Amanah tersebut, dan pemindahan serta perletakhakan itu hendaklah terus berkuat kuasa tanpa apa-apa jua dokumen pemindahan, pemindahhakan atau perserahhakan

(2) Wang, sekuriti dan aset lain yang dipindahkan di bawah subseksyen (1) hendaklah dipegang secara amanah dan digunakan di bawah Tabung Amanah Derma Kebajikan Perwira Negara mengikut terma dan bagi maksud, sebagaimana yang pada masa itu, dinyatakan dalam Surat Cara Amanah yang berkenaan dengannya.

(3) Semua hak dan liabiliti yang sebelum sahaja permulaan kuat kuasa Akta ini adalah hak dan liabiliti Tabung Pertahanan Negara hendaklah, pada permulaan kuat kuasa Akta ini, diturunkan kepada Tabung Amanah Derma Kebajikan Perwira Negara.

UNDANG-UNDANG MALAYSIA

AKTA 305

**AKTA TABUNG PERTAHANAN NEGARA
(PEMBUBARAN DAN PEMINDAHAN) 1984**

SENARAI PINDAAN

Undang-undang
yang meminda

Tajuk ringkas

Berkuat kuasa
dari

— TIADA —

UNDANG-UNDANG MALAYSIA**AKTA 305****AKTA TABUNG PERTAHANAN NEGARA (PEMBUBARAN
DAN PEMINDAHAN) 1984****SENARAI SEKSYEN YANG DIPINDA**

Seksyen

Kuasa meminda

Berkuat kuasa
dari— TIADA —
